

太原府志卷七

關隘

周禮司險掌九州之圖知其山林川澤以達道路而其  
阨塞之宜阻者率無得通至於固封疆脩邊境完要塞  
謹關梁塞蹊徑見於月令者蓋詳險之時義大矣哉太  
原臨谷為塹因山為障按其營集關堡莫不乘天險而  
得地利守土者誠以時修葺而戒備之其足翊衛  
神京而壯金湯於億載也夫志關隘

陽曲縣

天門關西北六十里乾燭谷路通舊嵐管州宋設戍兵金

置酒官後廢明置巡檢司其東北崖隋煬帝為晉王時

開名楊廣道縣志隋魯王圍廣所建侯靜樂縣舊設娑婆隘巡檢司

宏治十年改天門關屬陽曲縣 天門凌井一道相連

互為首尾山之東盡為天門去城可五十里山之西盡

為凌井可八十里山勢嶮峻辨路一髮兩崖山骨輪困

旁有深溝稍上有石梯層齒積鱗可二丈許 關有全

民堡周約八十五丈高一丈五尺厚一丈六尺明崇禎

末巡撫陳純德建 又有西山石寨 魏安同欲修大

嶺道以通天門關 金史地理志陽曲鎮五陽曲百井

今栢赤塘關今在忻州西天門關凌井驛 折可求統

麟府師二萬自府州涉河由岢嵐憲州將出天門關以

援太原金人據關不克進後越山取松子嶺道出至交

城遇宗翰之眾大戰移時可求遠來新至勞逸有間故

敗績 韓邦奇傳報大舉疏行委指揮等前去鎮西衛

代州天門關等處防守 新學會關山賦嘗經乏馬鹿

徑天門皆奇絕危峻之極

石嶺關東北一百里忻州南四十里乃并代雲朔要衝之  
路舊有戍兵金置酒官後廢置巡檢司明萬歷二十一  
年巡撫魏允貞以關歲久傾頽修築砌石 李光輝石  
嶺關碑去城東北一百二十里而近曰石嶺關時太原  
守趙議曰石嶺涵泉而環關皆山因石於山因灰於石  
其石城便中丞魏公採用之關之址延袤二百丈有奇  
城堞高二丈有七尺長廣崇厚視舊增三之一城門二  
帽樓其 upper 角廬四公署一區徙太原銳卒二百人往戍  
簡將統之 唐武德初并州大總管長史竇靜請斷石  
嶺以爲障塞便於固守八年命張瑾兵屯石嶺未至屯

大原府志 卷七  
二  
頡利兵已踰石嶺圍并州轉擾潞沁李靖以兵出潞州道行軍總管任環屯太行瑾戰太谷敗績長壽三年

默啜攻石嶺圍并州復入忻代都知兵馬使渾瑊自石

嶺關南督諸軍犄角寇引去中和元年十一月李克

用將道太原節度使鄭從讜塞石嶺關二年李克用率

蕃漢萬人出石嶺關過太原後唐清泰中詔應州修

茹越口忻州堙石嶺關左右道宋太祖征太原契丹

遣兵來援安守正接戰於石嶺關大敗之斬首萬級獲

其將時宋師之陷敵者數百人守正以騎軍馳之盡奪

以還開寶二年親征晉陽三月遼師來援關南兵馬

都監何繼筠時屯兵陽曲縣驛召至行在所授以方畧

命將精騎數千赴石嶺關拒遼師謂之曰翌日亭午俟

鄉來奏捷也至期上御北臺以俟見一騎自北來急遣  
逆問之乃繼筠子承睿來獻捷生擒刺史二人獲生口  
百餘斬首千餘級馬七百餘匹器甲甚衆初并人恃遼  
爲聲援及奏捷命以所獲首級鎧甲示城下并人喪氣  
繼筠以功拜建武軍節度使三年郭進田欽祚戍三交  
張思均從戰於石嶺關斬首萬五千餘級閣門祇候齊  
延深苗日永陷軍中思均鼓勁騎突入奪還 太平興  
國四年正月命雲州觀察使郭進爲太原石嶺關都部  
署以斷燕薊援師三月進破北漢西龍門砦又大破契  
丹於關南 太宗征太原以王侁護陽曲場地石嶺關  
諸屯 金突合速在宗翰軍以八謀克攻石嶺關屯兵  
數萬殺戮幾盡 元至正二十年八月命孛羅帖木兒

守石嶺關以北察罕帖木兒守石嶺關以南九月孛羅  
調兵自石嶺關直抵冀寧圍其城三日復退屯交城察  
罕調叅政閻奉先引兵與戰已而各於石嶺關南北守  
禦二十三年十月孛羅遣兵攻冀寧至石嶺關擴廓帖  
木兒大破走之擒其將烏馬兒殷興祖孛羅軍由是不  
振 金嶧縣游完平治道塗二百五十里北自太和嶺  
南至石嶺關

陽曲灣北三十里 魏土地記太原界置陽曲護軍

凌井口西北一百一十里西小店靜樂縣界 西小店堡

凌井村寨 安民堡西北八十里凌井驛周四十四

丈高二丈二尺厚一丈六尺 凌井口卽晉王嶺唐中

和二年五月沙陀戰於晉王嶺陷陽曲榆次而退

掃峪村石寨西北九十里凌井口天門關之險要也

紅土橋東北八十里孟縣壽陽要道土焦鹵不宜水民難

卜居二十里無村聚 生民堡東北八十里紅土橋周

二十四丈高二丈二尺厚少減明末巡撫陳純德建

栢井成晉驛堡東北七十里 唐大歷中回紇入寇節度

使鮑防遣大將焦伯瑜等擊之牙將李自良曰寇遠來

難與爭鋒請築二壘搯歸路堅壁勿出求戰不許師老

而隋其勢易乘防不聽伯瑜戰百井大敗自良由是知

名 宋開寶二年田紹斌從何繼筠扼遼師於北百井

奪其鼓幟而還

賈莊寨東北一百七十里孟縣界 蘭伏村交城縣界叢

山中 向陽鎮北三十里 黃頭寨北六十里 蔡家

塞 汾河渡城西南路通太原縣

凡各州縣堡寨舖鎮及臨河渡口非甚險要而亦足以資防守者俱總列於後備參焉

太原縣

風谷山西一十里高七十八丈盤踞二十里有奇北至孔道西隸交城縣入樓煩道乃唐北都西門之驛也 後唐申王李存渥與劉皇后奔太原行至風谷為部下所殺

蒙山 西北一十里高一百四十丈有奇盤踞三十里 劉

曜及代將賓六須戰於汾東曜兵敗渡汾踰蒙山遁走

蘇禹珪重修蒙山開化莊嚴閣 記 峪通馬首地管羊

腸



晉祠鎮西十里 晉祠堡高一丈七尺周三百丈 宋太

平興國四年曹翰從征太原軍中乏水城西十餘里谷

中有娘子廟往禱之穿渠得水人馬以給

國朝順治六年五月姜建勳圍太原城

王師自大同府南援募食而行遇賊於赤橋花塔間大戰

賊敗退 休晉祠堡圍之賊潰堡出還汾州 金鎮二晉

寧晉祠 朱彛尊記白智伯決此水以灌晉陽而宋太

祖太宗 平用其法定北漢蓋汾水勢與太原平而晉水

高出汾水之上決汾之水不足以拔城惟合二水而後

城可灌也

東莊水堡 百水下流環堡胥水牆高二丈三尺砌以甃石

周二里 塚內外二道胥廣一丈五尺密植柳樹四周水

田胥三四里沮洳不能馳馬號爲險固

小店鎮東十五里 小店堡高二丈八尺周四百丈北至

大馬村十五里大馬村至陽曲老軍營墩汛十里南至

流澗村十五里又南至北格鎮十里又南至徐溝同戈

村墩汛十里東北至紅寺村七里又東北至陽曲親賢

村墩汛十里東至鄭村十五里又東至榆次輓井村墩

汛五里乃太原四達道也

北堰寨西山懸崖絕壁高數十丈 義井堡西北 南堰

堡西北 義井南 董茹堡西北南堰南 西寨堡縣北

汾河西 王郭村堡在南少西東莊堡東 姚邵堡王

郭村堡南 孫家寨堡汾河東 故驛堡棗園堡南

南格堡東南 辛村堡東南 西賈堡在東榆次界

賈家寒堡

張花堡

棗園頭堡 晉祠堡南

鞏家堡

在東

鄭村堡 在東

嘉節堡 縣東北汾河東

許東

堡 東 北 胥 明 嘉 靖 十 九 年 築

汾河渡

南屯渡

往陽曲縣

小店鎮

往榆次縣

東草塞渡

往徐溝縣

榆次縣

鷹山 東南 八 十 里 峰 陁 似 鷹 小 涂 水 出 焉 東 南 對 八 縛 嶺

為八縛前勁

盤腸嶺 東南 五 十 里 危 峻 多 巨 木 其 勢 盤 曲 如 腸 為 八 縛

嶺 鷹 山 前 勁

榆城坂 南 三 十 里 壁 立 數 十 仞 旁 徑 險 仄 商 旅 多 輪 摧

蹄 蹶 可 盤 腸 嶺 之 前 勁 也 上 有 土 寨 下 有 懸 窰

臥虎山 山 南 積 石 巉 巖 狀 若 虎 伏 縣 志 臥 虎 盤 腸 之

嶺拱峙而雄鎮嵯峨

三岔口南北四十里東北至壽陽要樂山三十五里西至

鳴謙驛二十里南至王胡鎮三十里為四達之道

什貼鎮南北五十五里壽陽界壽陽山道又為井陘驛道

霍城鋪一城東南九十六里至和順縣八賦嶺十三里

東陽鋪南三十里太谷縣界

聖賢寨斬井後 谷頭寨北十五里 麓臺寨即溝為塹

旁有曲徑可通中平衍 楊壁寨中平四面深溝 訓

谷寨東北二十里形險天成 王胡里東懸窰東有溝

深四十丈 鳴謙驛城北二十里圍三里 懷仁堡西

南十五里 馬村堡西南二十里 長壽堡南十八里

東陽堡南三十里 張慶堡西南二十里 使趙堡

西北八里 〔使趙北堡〕南堡稍北 〔永康堡〕南三十里

〔開白堡〕南二十里 〔陳胡堡〕南二十里 〔胡喬堡〕西

南三十里 〔楊盤堡〕西北十五里 〔源渦堡〕東八里

〔東郝堡〕東南十里 〔甄井堡〕西北二十里

太谷縣

馬陵關東南七十里馬嶺上榆社縣西北九十里路通直

隸順德府 馬嶺萬山亂出一水旁流徑轉羊腸坡躋

石磴松檜插天溪澗湍險隆冬雪封衆壑春夏有千歲

不消之冰

回馬谷東南三十里袤四十里馬陵關在谷中通古邢州

路有水合咸陽谷水南十五里西注於汾五代時梁伐

太原刺史張歸厚軍自馬陵關入卽此 金圍太原撒

大原府志 卷七  
里土敗宋軍於回馬谷

長城東南八十里馬嶺上 唐地理志嶺上有城其城自平城至魯口沿山屈曲延袤三百里故名長城武德二年築貞觀元年廢今屬榆社縣 宋初李繼勳下遼州戰帶甲祠斬首萬餘級追奔至長城擒其將莫鮑叔掠人騎二百餘

四卦谷東南二十五里袤二十里谷中有泉分流四派  
奄谷東南十五里袤四十里東崖石壁名千佛崖谷中有水流合象谷水

咸陽谷南十五里袤十里山上有源泉流出谷名咸陽水  
西合回馬水 城壕記秦伐趙築城近谷口以咸陽兵戍之故名

白壁嶺南七十里 地形志陽邑有白壁嶺樊陽水八表

山徐水

象谷東北五十二里廣三百步袤四十六里谷中有水即

象谷河

蔣谷象谷旁 土地記晉陽東南一百十里至山有蔣谷

大道度軒車嶺通武鄉谷有水曰蔣谿西北流西逕箕城北又西合淦水亂流西北入洞渦澤

小常舖東北二十里榆次界

上善堡 太白堡 陽邑堡 白城堡 敦坊堡 惠安

堡 洗村堡 桃園堡 辛村堡 西薄堡 張村堡

韓村堡 回馬一堡 任村堡 侯城一堡 登豐

堡 董村堡 小常一堡 圍場堡 東里堡 梁平

堡

奄谷寨

牛許寨

閻村寨

東賈二寨

朝陽

寨

杏林寨

四稜寨

范村南寨

范村北寨

盤

道寨

黑山寨

彭温莊寨

王弓村寨

東咸陽寨

白村堡

小常堡

胡村堡

四卦堡

郭村堡

石象堡

祁縣

龍舟峪關東南九十里南通沁州北通徐溝兩壁皆山道

傍有胡甲水置巡檢司 龍舟峪巡檢司舊在北關鎮

今裁

北關鎮東南九十里相傳宋太祖取河東克金鎖關即此

來遠鎮盤陀東南去縣七十里 來遠寨鎮東山巔圍三

百二十步高六丈四面臨溝上石牆五尺



盤陀鎮子洪鎮東南去縣五十里 宋太祖由盤陀取太

原

子洪鎮東南三十里南倚雙泉山山有雙泉 〔安寨〕雙泉

山巔圍二百六步西面牆高二丈壕深濶各一丈東南

北三面牆高一丈九尺臨溝門一座

團柏鎮東南六十里白圭鎮南東接太谷南接武鄉 金

鎮一團柏 〔白圭〕 團柏 〔魯村〕 〔三家村〕 〔盤陀〕

團柏團柏谷 〔來遠〕 〔北關〕 以上八舖在縣東路北抵

太谷縣界南抵武鄉縣界 後唐趙德鈞由土門口入

欲併潞州兵乃趨潞州子延壽以兵屬焉德鈞屯團柏

谷口不進廢帝使自飛狐出擊契丹後德鈞南出吳兒

即吾 會延壽於西唐廢帝幸懷州遣北面行營馬軍都

大原府志 卷之七 關隘